

同文
原版
淵鑑類函

盛秋署檢

京邑五

原賦漢揚雄蜀都賦曰蜀都之地古曰梁州禹治其江潯皋彌望鬱平青蔥丹鳳青龍石麟水螭於近則有瑕英園芝玉石江珠於遠則有銀鉛錫碧馬犀象楚西有鹽泉鐵冶橋林銅陵其傍則有期牛兕旄金馬碧雞其竹則宗生族攢俊茂豐美夾江綠山尋卒而起其深則有徧獺沈鰕水豹蛟蛇其都門二九四百餘閭兩江飾其市九橋帶其流直竹浮流龜鼈磧石風胎雨穀衆物駭目百華投春隆隱芳芬螭燭若揮錦布繡望芒芒今無幅其布則簞中黃潤一端數金雕鏤鉛器百技千工乃使有伊之徒調夫五味甘甜之和勺藥之羹江東鮑鮑隴西牛羊五肉七菜勝厭腥臊若其吉日嘉會期於□□倍春之陰迎夏之陽置酒於榮川之間宅設坐於華都之高堂延帷揚幕接帳連岡都公之徒相與如平陽頗臣沼羅車百乘期會投宿觀者方隄行舟競逐也後漢班固西都賦曰漢之西都在乎雍州左據函谷二嶠之阻表以終南太華之山右界褒斜隴首之險帶以洪河涇渭之川披三條之廣路立十二之通門英俊之域綬冕所興冠蓋如雲七相五公其陽則崇山隱天幽林穹谷陸海珍藏監田美玉其陰則冠以九峻陪以甘泉下有鄭白之沃衣食之源提封五萬疆場綽分溝塍刻鏤原隰龍鱗決渠降雨荷鍤成雲離宮別館神池靈沼其中乃有九真之麟大宛之馬黃支之犀條枝之鳥其宮室也體象乎天地經緯乎陰陽樹中天之華闕豐冠山之朱堂因瓊材而究奇抗應龍之虹梁列琴檠以布翼荷棟桴而高騖雕玉璫以居樞裁金璧以飾璫左城高勒反右平重軒三階閭房周通門闔洞開列鐘虞於中庭立金人於端闈增盤崔嵬登降炤爛殊形詭制每各異觀乘茵步輦唯所息宴後宮則有披庭椒房后妃之室莖若椒風披香發越蘭林蕙草鴛鴦飛翔之列昭陽特盛隆於孝成隨侯明月錯落其間金釭銜璧是爲列錢翡翠火齊流耀含英珊瑚碧樹周阿而生後宮之號十有四位窈窕繁華更盛迭貴又有天祿石渠典籍之府講論乎六藝稽合乎異同周以鈞陳之位衛以嚴更之署周廬千列徽道綺錯輦路經營脩除飛閣陵墪道而超西墉混建章而連外屬神明也臺名鬱其特起遂偃蹇而上躋軼雲雨於太半虹蜺迴帶於焚桐攀

井幹而未半目眩轉而意迷靈草冬華神木叢生抗仙掌以承露攢雙立之金華爾乃威娛遊之壯觀耀威靈而講武事命荊州使起鳥詔梁野而驅獸毛羣內填飛羽上覆列卒周匝星羅雲布矢不單殺中必疊雙風毛雨血灑野蔽天於是天子乃登屬玉之館歷長楊上林之樹陳輕騎以行魚騰酒車以斟酌割鮮野食舉烽命爵大輅鳴鑾容與徘徊集乎豫章之宇臨乎昆明之池左牽牛而右織女似雲漢之無涯茂樹蔭蔚芳草被隄若擣錦與布繡燭耀乎其陂元鶴白鷺鳬鷺鴻鴈浮沈往來雲集霧散都都相望邑邑相屬國藉十世之基家承百年之業又東都賦曰王莽作逆漢祚中缺於是聖皇握乾符闢坤珍披皇國稽帝文赫然發憤應若興雲遂超大河跨北嶽立號高邑建都河洛系唐統接漢緒茂育羣生恢復疆宇若乃順時節而蒐狩簡車徒以講武歷騶虞覽駟職嘉車攻采吉日禮官整儀乘輿乃出於是發鯨魚鏗華鐘登玉輅乘時龍元戎竟野戈鉞彗雲羽毛埽霓旌旗拂天然後舉烽伐鼓申令三驅輕車霆激驍騎電驚指顧倏忽獲車已實樂不極般殺不盡物於是薦三犧效五牲禮神祇懷百靈觀明堂臨辟雍登靈臺考休徵列百僚而贊羣后究皇儀而展帝容明堂詩曰於昭明堂明堂孔陽聖祖宗祀穆穆煌煌辟雍詩曰乃流辟雍辟雍湯湯聖皇莅止造舟爲梁靈臺詩曰三光宣精五行布序習習祥風祁祁甘雨寶鼎詩曰岳修貢兮川效珍吐金景兮歆浮雲寶鼎見今色紛紜煥其炳兮被龍文白雉詩曰啓靈篇兮披瑞圖獲白雉兮效素鳥嘉祥阜兮集皇都張衡南都賦曰於顯樂都既麗且康陪京之南居漢之陽割周楚之豐壤跨荆豫而爲疆體爽塏以開敞紛郁郁其難詳爾其地勢則武關關其西桐柏揭其東流滄浪而爲隍廓方城而爲墉湯谷涵其後洧水蕩其胸推淮引滿三方是通其寶利珍怪則金采玉璞隋珠夜光太乙餘糧中黃鼓玉松子神腋赤靈解角耕父揚光於清冷之泉游女弄珠於漢皋之曲其水蟲則有蠺龜鳴蛇潛龍伏螭其鳥則有鴛鴦鵠鷺鴻鵠鴛鴦鵠鸞嚶嚶和鳴澹澹隨波其香草則有薜荔蕙若蘼蕪蓀萋萎暖菰蔚含芬吐芳酒則九醞甘醴十旬兼清醪數徑寸浮蟻若萍其甘不爽醉而不醒獻酬既交率禮無違彈琴擲箭流風徘徊於是暮春之禊元巳之辰方軌齊軫被於陽濱朱帷連網曜野映雲脩袖繚繞而滿庭羅襪蹠蹠而容與翩綿綿其若絕眩將墜而復舉於是羣士放逐馳乎沙場俯貫魴鱖仰落雙鶴魚不及竄鳥不暇翔車雷震而風厲馬鹿超而龍驤夕暮言歸其樂難忘又西京賦曰有馮虛公子

者無此公子但言於安處先生曰亦無此秦據雍而強周即豫而弱高祖都西而秦光武處東而約先生獨不

見西京之事歟漢氏初都在渭之浹秦里其朝是為咸陽里居朔北也高帝六年改曰長安左有嶠函重險桃林之塞綴以二

華巨靈鼎員高掌遠蹠以流河曲厥迹猶存右有隴坻之隘隔關華戎岐梁岍雍皆山名陳寶鳴鷄在焉於前則

終南太乙隆崛崔嵬隱轡律連岡乎蟠冢爰有藍田珍玉是之自出於後則高陵平原據渭踞涇其遠則有

九峻甘泉涸陰沍寒日北至而含凍此焉清暑實為地之奧區神泉昔者大帝悅秦穆公而觀之饗以鈞天廣

樂帝有醉焉乃為金策錫用此土而剪諸鵠首自我高祖之始入也乃覽秦制跨周法正紫宮於未央表堯闕

於閭闔疏龍首以抗殿狀蒐我以炎葉蒂倒茄於藻井披紅葩之狎獵飾華棖與璧璫流景曜之曜曜雕楹玉

碣繡栢雲楣三階重軒鏤檻文梳右平左城青瑣丹墀仰福帝居陽曜陰藏洪鐘萬鈞猛虞越趙負筓業而餘

怒乃奮翅而騰驤若夫長年神仙宣室玉堂麒麟朱鳥龍興含章正殿路寢用朝羣辟嘉木樹庭芳草如積高

門有閭列坐金狄秦時長狄見於後宮則昭陽飛翔增成合歡蘭林披香鳳凰鸞皆後宮殿名故其館室次舍

采飾纖縵裏以藻繡文以朱綠翡翠火齊絡以美玉流懸黎之夜光綴隋珠以為燭於是鈎陳之外閣道穹隆

屬長樂與明光徑北通乎桂宮恣意所幸下輦成燕窮年忘歸猶不能徧覘音往昔之遺館獲林光於秦餘處

甘泉而爽壇乃隆崇而弘敷既新作於迎風增露寒與儲胥通天眇以竦峙徑百常而莖擢翔鷗仰而勿逮况

青鳥與黃雀伏櫺檻而俯聽聞雷霆之相激柏梁既災越巫陳方建章是經用厭火祥園關竦以造天若雙碣

之相望鳳鸞翥於薨標咸邈風而欲翔于雲霧而上達狀亭亭以岩岩神明崛其特起井幹疊而百增上飛闥

而仰眺正觀瑤光與玉繩列瀛洲與方丈夾蓬萊而駢羅長風激於別崑起洪濤而揚波海若游於元渚鯨魚

失流而蹉跎立脩莖之仙掌承雲表之清露屑瓊蕊以朝餐必性命之可度爾乃廓開九市通闢帶闥旗亭五

重俯察百隧列肆也上林禁苑跨谷彌阜東至鼎湖斜界細柳掩長楊而聯五柞繞黃山而款牛首乃有昆明靈

沼黑水允汙周以金堤樹以柳杞豫章珍館揭焉中峙牽牛立其左織女處其右日月於是乎出入象扶桑與

濛汜其魚則鮪鯢鱭魴修額短項大口折鼻詭類殊種鳥則鸛鵲鸚鵡鴝鵒鴛鴦鴻鵠南翔衡陽北棲鴈門於是孟

冬作陰寒風肅殺雨雪飄飄冰霜慘烈天子乃駕雕軫六駿駁戴翠帽倚金較華蓋承辰天畢前驅千乘雷動

萬騎龍趨縱獵徒赴長莽迺卒清候武士赫怒河渭爲之波盪吳岳爲之陁堵百禽悽遽騷奔觸喪精亡魂失歸志趨矢不虛捨鋌不苟躍當足見張值輪被轆乃使迅羽輕足尋景追括鳥不暇舉獸不得發青骹摯於韝下韓盧噬於縶末於是鳥獸殫目觀窮遷延邪睨集乎長楊之宮酒車酌醴方駕授棗升觴舉燧既醺鳴鐘儼倖乎五柞之館旋鵁乎昆明之池浮鷁首翳雲之番禺葆建羽旗齊棹女縱棹歌奏淮南度陽阿大駕幸乎平樂張甲乙而襲翠被臨迴望之廣場程角觝之妙戲烏獲扛鼎都盧尋橦衝狹燕濯胸突銛鋒跳丸劍之揮霍走索上而相逢度曲未終雲起雪飛巨獸百尋是爲曼延神山崔嵬歛從背見白象行孕母鼻麟困海麟變而成龍狀蜿蜒以蜃蜃龍形貌云反合利怪獸名威威化爲仙車驪駕四鹿芝蓋九葩奇幻倏忽易貌分形吞刀吐火雲霧杳冥畫地成川流渭通涇百馬同轡騁足並馳幢末之妓態不可彌秘舞更奏妙材騁伎始徐進而羸形似不任乎羅綺紛縱體而迅赴若驚鶴之羣羆要紹脩態麗服屬菁昭邈流盼一顧傾城列爵十四競媚取榮威衰無常唯愛所丁衛后興於鬢髮飛燕寵於體輕又東京賦曰是時也七雄並爭競相高以奢麗楚築章華前趙建叢臺於後秦政利背長距終得擅場思專其侈以莫已若也乃構阿房起甘泉結雲閣觀南山百姓不能忍是用息肩於大漢高祖膺錄受圖順天行誅埽項軍於垓下繼子嬰於軹途因秦宮室據其府庫且夫天子有道守在海外守位以仁不恃隘害秦負阻於二關卒開項而受沛彼偏據而規小豈若宅中而圖大昔先王之經邑也掩觀九隩靡地不營土圭測影不縮不盈總風雨之所交然後以建王城審曲面勢汭洛背河左伊右瀍西阻九河盟津達其後大谷通其前迴行道乎伊闕斜徑捷乎輶轄太室作鎮揭以熊耳底柱輟流鐔以太坯漢初弗之宅也故宗緒中圯巨猾間釁竊弄神器歷載三六偷安天位我世祖忿之乃龍飛白水鳳翔參墟授鉞四七共工是除區宇又寧思和求中睿哲元覽都茲洛宮逮至顯宗六合殷昌既新崇德遂作德陽昭仁惠於崇賢抗義聲於金商建象魏之兩觀旌六典之舊章濯龍芳林九谷八谿芙蓉覆水秋蘭被涯永安離宮修竹冬青陰池幽流元泉列清鴈鴈秋棲鴈鴈春鳴鴈鴈黃關開嬰嬰於南則前殿靈臺和權安福謬門曲榭斜阻城洫奇樹珍果鉤盾所職於東則洪池清籊涿水澹澹內阜川禽外豐葭莩其西則平樂都場示遠之觀龍雀蟠蜿天馬半漢乃營三宮布政頒常複廟重屋於斯胥洎龍輅充庭雲旗拂霓夏正三朝庭

燎晰晰

反

春日載陽合射辟雍設業設虞宮懸金鑄鼓路鼓音樹羽幢幢張大侯制五正設三乏非音

司旌天子乃撫玉輅時乘六龍發鯨魚鏗華鐘攝提運衡徐至於射宮禮事展樂物具王夏闕騶虞奏決拾既

攸彫弓斯發

反

達餘萌於暮春昭誠心以遠喻三農之隙耀威中原歲惟仲冬大闢西園乃馭小戎撫輕軒

戈矛若林牙旗纛紛迄乎上林結徒爲營教和樹表司鐸授鉦坐作進退節以軍聲火烈具舉武士星數鵝鸛

魚麗箕張翼舒馭不詭遇射不剪毛升獻六禽時膳四膏成禮三驅解罟放麟不窮樂以訓儉不殫物以昭仁

爾乃卒歲大儺驅除羣癘偃子萬童丹首元製桃弧棘矢所發無臬飛礮兩散剛瘳必斃煌火馳而星流逐赤

疫於四裔傳穀洛都賦曰惟漢元之運會世祖受命而弭亂體神武之聖姿握天人之契贊尋往代之規兆

仍險塞之自然被崑崙之洪流據伊洛之雙川披成皋之嚴阻扶二嶠之崇山分畫經緯開正塗軌序立廟桃

面朝後市歎息起雲霧奮袂生風雨覽正殿之體制承日月之倍精騁流星於突陋追歸鴈於軒輅帶螭龍之

疏鏤垂齒首之敷榮顧濯龍之臺觀望永安之園數渟清沼以泛舟浮翠蚪與元武樂宮兩館區制有規后帥

九嬪躬教工女近則明堂辟雍靈臺之列宗祀揚化雲物是察其後則有長岡芒阜屬以首山通谷吸呵石瀨

寒泉於是乘輿鳴和按節發軔列翠蓋方龍輶備五路之時副檻三辰之旗旂傳說作僕義和奉時千乘雷駭

萬騎星鋪絡繹相屬揮沫揚鑣羣仙列於中庭發魚龍之巨偉羨門拊鼓偃佺操麾講武農隙校獵因田搜幽

林以集禽激通川以御獸跨乘黃射遊麋弦不虛控目不徒晞解腋分心應箭殪夷然後弭節容與淶水之濱

垂芳餌於清流出旋瀨之潛鱗杜篤論都賦曰天命有聖託之大漢大漢開基高祖有勲斬白蛇也黑雲蹈

滄海跨崑崙劉敞建策初都長安太宗承流守之以文孝武因其餘財府帑之蓄深入匈奴割裂王庭連緩耳

鎖雕題摧天竺羣象犀沃野千里原隰彌望保植五穀桑麻條暢濱據南山帶以涇渭號曰陸海蠡生萬類城

池百尺阮憲要害一人奮戟三軍沮敗於時聖帝赫然申威南擒公孫北脅強胡西平隴冀東據洛都今天下

新定矢石之勤始瘳未遑於論都而遺思雍州崔駰反都賦曰漢歷中絕京師爲墟光武受命始遷洛都客

有陳西土之富云洛邑編小故略陳禍敗之機不在險也建武龍興奮旅西驅虜亦着討高胡斬銅馬破骨都

收翡翠之駕據天下之圖上帝受命將昭其烈潛龍初九真人乃發上貫紫微徘徊天關握狼狐蹈參伐陶以

乾坤始分日月觀三代之餘烈察殷夏之遺風背嶠函之固即周洛之中興四郊建三雍禪梁父封岱宗魏
徐幹齊都賦曰齊國寶坤德之膏腴而神州之輿府其川濱則洪河洋洋發源崑崙崑崙波沛厲浮沫揚奔南望
無垠北顧無鄂蕞葭蒼蒼莞蕝沃若理禽異鳥羣萃乎其間帶華蹈縹披紫垂丹應節往來翕習翩翻靈芝生
乎丹石發翠華之煌煌其實玩則元蛤抱璣駿蚌含璫構夏殿以宏覆起層榭以高驪龍楹螭楠山岳雲壻其
後宮內庭嬪妾之館衆偉所施極巧窮變然後修龍榜遊洪池折珊瑚破琉璃日既仄而西舍乃反宮而棲遲
歡幸在側便嬖侍隅含清歌以詠志流元晷而微盼疎長袖以合節紛翻翻其輕迅王乃乘華玉之輅駕元駿
之駿武騎星散鉦鼓雷動旌旗虹亂盈乎靈圖之中於是羽旌咸興毛羣盡起上蔽宮庭下被泉藪劉楨魯
都賦曰昔大廷氏肇建厥居少昊受命亦都茲焉山則連岡屬嶺喧啞峽北紫金揚暉於鴻崖水精潛光乎雲
穴岱宗邈其層秀千氣霧以高越其水則赤棣青松文華蕙棠洪幹百圍高徑宮皇竹則填彼山垠陔彌坂域
夏蕩攢包勁條並殖翠實離離鳳凰攸食水產衆夥各有尋倫賴首華尾豐顛重斷戴兵挾刀盤甲曲鱗且觀
其時謝節移和族綏宗招徽合好肅戒友朋蛾督清晷顏若雪霜插曜日之珍芽珥明月之珠璫舞人就列整
飾容華和顏揚眸盼風長歌飄乎森發身如轉波尋虛騁迹顧與節和縱脩袖以終曲若奔星之赴河及其素
秋二七天漢指隅民胥被袂國於水游綏惟彌津丹帳覆洲蓋如飛鶴馬如游魚應門巖巖朱扉含光路殿臨
其隆崇文陛燿其高驪聽迅雷於長除若有聞而復亡其園苑苑沼駢田接連淶池分浪以帶石垠文瓊隔岸
華玉依津邦乃大狩振揚炎威教民即戎講習與師落幕包括連結營圍毛羣隕殪羽族殲剝填峙塞畎不可
勝錄劉劭趙都賦曰且敝邑者固靈州之畝宇而天下之雄國南則有洪川巨潰黃水濁河發源積石徑拂
太華灑爲九流入於元波其東則天浪水府百川是鍾包絡坤維連薄大濛其北則有陶林元壇增水沍寒其
西則有靈丘平圃邪接崑崙崑崙其近則有天井句注飛臺太行確磔礪屬阜連岡龍首嵯峨以峩鬱羊坂崑崙
以崕塘清漳發源濁淦汨越湯泉涓沸洪波漂厲爾乃都城萬雉百里周迴九衢交錯三門旁開層樓竦閣連
棟結階峙華爵以表蕙若翔鳳之將飛正殿儼其造天朱櫺赫以舒光盤蚪螭之蜿蜒承雄虹之飛梁結雲閣
於南宇立叢臺於少陽及至暮秋涉冬朔風烈寒猛豺鷃攫鷹隼奮翰國乃講武狩於清原駕鷩鷩之駿駁抗

冲天之旌旆北連昭餘南屬呼池西盼太陵東結縵河然後嘆子放機戈矛亂發決斑駁破文額當手斃僵應
弦倒越爾乃進夫中山名倡襄國妖女狄觀妙音邯鄲才舞六八駢羅遞奏迭舉體凌浮雲聲哀激楚其珍玩
服物則崑山美玉元珠曲環輕綃啓繒織縠綵紋其器用良馬則六弓四弩綠沈黃間堂礪魚腸丁令角端飛
兔奚斯常驪紫燕豐贖確顙龍身鵠頸目如黃金蘭筋參精迅躍飛浮軼響追聲若乃至季春元巳辰火熾光
挺新贈往被於水陽朱幕蔽野綠帷連岡妖冶呈飾顏如春英 晉左思蜀都賦曰夫蜀都者蓋兆基於上世
開國於中古廓靈開而爲門包玉壘而爲宇帶二江之雙流抗峨眉之重阻水陸所湊兼六合而交會焉於前
則跨躡健詳枕倚交趾經途所亘五千餘里於是乎筇竹緣嶺菌桂臨崖旁挺龍目側生荔枝布綠葉之萋萋
結朱實之離離孔翠羣翔犀象競馳白雉朝雛猩猩夜啼金馬騁光而絕影碧鷄倏忽而曜儀火井沈熒於幽
泉高閣飛煽於天垂於後則卻背華容北指崑崙綠以劒閣阻以石門流漢湯湯驚浪雷奔望之天迴即之雲
昏水物殊品鱗介異族或藏蛟螭或隱碧玉其樹則有木蘭檉桂杞橘椅桐梗枿幽藹於谷底松柏蒼蔚於山
峰擢脩幹竦長條扇飛雲拂輕霄羲和假道於峻岐陽烏迴翼乎高標於東則左綿巴中百濮所充外負銅梁
於宕渠內函要害於膏腴丹砂絕熾出其坂蜜房郁毓被其阜山圖採而得道赤斧服而不朽交讓所植蹲鴟
所伏百藥灌叢寒卉冬馥其中則有青珠黃環碧荂芒消或豐綠萐或蕃丹椒紅葩紫飾柯葉漸苞敷蕊葳蕤
落英飄颻溝洫脈散疆里綺錯黍稷油油稷稻漠漠指渠口以爲雲門灑漉池而爲陸澤爾乃邑居隱軫夾江
傍山家有鹽泉之井戶有橘柚之園百果甲拆異色同榮朱櫻春熟素柰夏成若乃大火流涼風厲白露凝微
霜結紫梨津潤楊栗罇發蒲桃亂潰石榴競裂晨晷旦至候鴈銜蘆木落南翔冰泮北徂雲飛水宿曄曄
清渠其深則有鱣鮪鱗魴鯉鰭魛鱖差鱗次色錦質報章闢二九之通門畫方軌之廣塗營新宮於爽塏擬承
明而起廬結陽城之延閣飛觀榭乎雲中開高軒以臨山列綺窗而瞰江內則宣化之闥崇禮之闈華闕雙邈
重門洞開金鋪交映玉題相輝亞以少城接乎其西列隊百重羅肆巨千賄貨山積纖麗星繁都人士女絃服
觀才性 狀布有桐華麪有桄榔邛竹傳節於大夏之邑蒟醬流味於番禺之鄉闔閭之裹伎巧之家百室離房
機杼相和貝錦斐成濯色江波若夫王孫之屬郤公之倫從禽於外巷無居人並乘驥子俱服魚文西踰金隄

東越玉津戟食鐵之獸射噬毒之鹿拍羈氓於蔓草彈言鳥於森木技象談反犀角鳥銕翮獸廢足殆而
竭來相與第如漢丁田池集乎江洲試水容漾輕舟娉江妃與神遊將饗獠者張帝幕會平原酌醪酤芳鮮
飲御酣宸旅旋車馬雷駭轟轟闐闐近則江漢炳靈世載其英蔚若相如嚼若君平王褒煒燦而秀發揚雄含
章而挺生幽思綯道德搞藻揆天庭又吳都賦曰東吳王孫馥數忍反然而哈曰夫上圖景宿辯於天文者
也下料物土析於地理者也烏策篆素玉牒石記烏聞梁岷有陟方之館行宮之基歟而吾子獨未聞大吳之
壯麗乎且有吳之開國也造自泰伯宣於延陵故其經略上當星紀拓土畫疆指衡嶽以鎮野目龍川而帶垌
百川派別歸海而會控清引濁混濤并瀨噴薄沸騰寂寥長邁出乎大荒之中行乎東極之外於是乎長鯨吞
航脩鯢吐浪躍龍騰蛇蛟鱧琵琶沂洄順流噏喁沈浮鳥則鵲鷓鴣鳴鸛鶴鶻鷺鷥鷃鷀鷂避風候厲造江湛淡
羽儀隨波參差理翩整翰容與自玩彫琢蔓藻刷盪潑瀾蚌蛤珠胎與月虧全巨鼇鼎肩首冠靈山大鵬續翻
翼若垂天洪桃盤屈丹桂灌叢瓊枝抗莖而敷蕊珊瑚幽茂而玲瓏增岡重阻列眞之宇江妃於是往來海童
於是宴語草則藿納豆蔻薑彙非一石帆海松東風扶留布護皋澤蟬聯陵丘貢緣山岳之品音暴音歷煙江
海之流水則平仲君遷松梓古度楠榴之木相思之樹宗生高岡族茂幽阜擢本千尋垂蔭萬畝與風飄颻颼
瀏颼颼鳴條律暢飛音響亮蓋象琴筑並奏笙竽俱唱其竹則簋簞林筴音柱箭筒筒袖梧有篁篔簹有叢苞
筍抽節往往紫結綠葉翠苳冒霜停雪梢雲無以踰解谷弗能連營薦食其實鷄鷄擾其間其果則丹橘餘甘
荔枝之林檎榔無柯椰葉無陰其琛賂則琨瑤之阜銅錯白錯也之根火齊之寶駭鷄之珍賴丹明璣金華銀朴
紫貝流黃縹碧素玉其荒販謫詭則有龍穴內蒸雲雨所儲陵鯉若獸浮石若樺雙則比目片則王餘窮陸飲
木極沈水居泉室潛織而卷銷淵客慷慨而泣珠象耕鳥耘此之自與煮海爲鹽采山鑄錢國稅再熟之稻鄉
貢八簋之綿造姑蘇之高臺臨四遠而特建帶朝夕之濬池佩長洲之茂苑閱東山之府則環寶溢目觀海陵
之倉則紅粟流行雕樂鏤案音青青瑣丹楹圖以雲氣畫以僊靈高閣有閶闔門方軌朱闕雙立馳道如砥樹以
青槐亘以淶水桃李象簞輅於箇中蕉葛升越弱於羅紵命官師而擁鐸將校獵今具區吳王乃巾玉輅軺驢
繡羽毛揚旌雄戟耀芒貝胄豕弭織文烏章六軍杓服四騏龍驤猩猩啼而就禽鸞鸞反笑而被格屠巴蛇

驕羽毛揚蕤雄韓燿芒貝冑象弭縵文鳥章六軍衽服四駢龍驤猱猱時而竊含鬻鬻反笑而鵲格屠巴蛇

出象牓斬鵬翼掩廣澤結輕舟而競逐迎潮水而振絳精衛銜石而遇繳文鯉夜飛而觸綸指包山以爲期集
洞庭而淹留數軍實乎桂林之苑饗戎旅乎落星之樓又魏都賦曰魏國先生有醉其客乃盱衡而語曰昇
平交益之士劒閣雖峻險也憑之者蹶洞庭雖濬負之者北且魏土者畢昂之所應虞夏之餘人先王之桑梓
列聖之遺塵爾其疆域則旁極齊秦結漆冀道開胸殷衛跨躡燕趙墨井鹽池元滋素液厥田惟中厥壤惟白
思重爰墓大壯覽荀卿采蕭相粉檢複結藥櫃疊施丹梁虹申以並亘朱楠林布而支離綺井列疏以懸帶華
蓮重葩而倒披於前則宣明顯陽順德崇禮重闌洞出鏘鏘濟濟於後則椒鶴文石永巷壺術椒梓木蘭次舍
甲乙增構裁我清塵剽剽雲崔躋曼而矯首壯翼攜鏤於青霄雷雨杳冥於天半曠日籠光於綺寮碩果濯叢
圍木疎尋篁篠懷風蒲荀結陰丹藕凌波而的皪綠芰汎濟而浸潭羽翮頽頽鱗介浮沈磴流十二同原異口
蓄爲屯雲泄爲行雨內則街衢輻輳朱關結囑石杠杜橋也飛梁出控漳渠疏通溝以濱路蘿青槐以蔭途庾
聞揚都賦曰子未聞揚都之巨偉也左滄海右岷山龜島津其落江漢演其源碣金標乎象浦注桐柏乎元川
昔句吳端委延州儼藏高讓殆於庶幾英風亞乎潁陽土映黃旗之景鬱吐紫蓋之祥巖栖赤松之館岫啓緡
雲之堂龍符渙而夏德興羣神萃而玉帛昌也天包龍軫地奄衡霍元聖所遊陟方所託我皇晉之中興而駿
命是廓靈運啓於中宗天網振其絕絡於是乎源澤浩養林阜隱營鼓蠡吞江荆牙吐瀨赴三峽之隘洞九川
之會泮五嶺而分流鼓沱潛而碎沛滂沱瀟瀟潢潢擁湧驚波霆激駭浪山動東注尾閭呼噏洞庭茫若雲漢
窈若青城其山則重岡叢屹峻嶺嵒嶸陽侯鱗萃龍濤綺錯嘒嘒磊磊都薄旁帶千溪下同萬壑木則濯
以杞梓被以沙棠結根九疑布葉天桂林爲五嶽之苑材爲八都之府埽飛虹鸛陽景拂白雪而增翠凌廣漠
而敷穎竹則簌風箇籥篠簳林筵單棘筵紗綺蕭疎貞條梢風勁節集霧望之猗猗即之倩倩蒼琅之竿東
南之箭其林可遊其芳可薦草則陵茗海藻山英江蘼綸組菁茅繁露卷舒獸則駒駉狡狴鋸牙披蹄登重嶺
躡巉巖噫氣則風生噴沫則雨灑其間則有騰援天矯閃儻柯杪風母果然星流電遷或陵虛赴絕或縈繞希
聞鳥則鷦鷯孔翠丹穴之羽鳴鳳自歌翔鸞自舞魚則鮫鱣鱗鱗比目鱔魴脩鯢橫海徵鯨偃波其中則有靈
蛟白鼉之族種繁六眸類豐三足鸚螺蛻骨寄居負敖餘泉如輪文蜺如琢果則黃甘朱橙楊桃枇杷林蔚八

柱之叢色耀三珠之華爾其實怪則有瑤琨琅玕青璧元珉陽珠散火陰甲潛珍雲英水玉錯耀龍鱗煥若金
膏見若燭銀琉璃冰朗而外映珊瑚觸石而構翹牙簾列文於象齒火布濯穢於炎焱西徂石城則舟車之所
混并東盡金塘則方駕之所連箱其中則有龍坻華屋晨晃之舸青雀飛艦餘皇鼓柁鵠首鋪於黃宮盤蛟纏
於赤馬爰有蘭堂華屋高門重構羅鼎玉食絲竹並奏龍駒汗血於廣塗朱輪擊轂而輻輳 傳元正都賦曰
撫琴瑟陳鐘簾吹鳳簫擊鼉鼓奏新聲理秘舞乃有材童妙妓都盧迅足綵脩竿而上下形既變而景屬忽跟
挂而倒絕若將墜而復續蚺紫龍蛇委隨紆曲杪竿首而腹旋承嚴節之繁促於是神嶽雙立罔巖峯靈草
蔽崖嘉木成林東父翳青蓋而遐望西母使三足之靈禽丹蛟吹笙文豹鼓琴素女撫瑟而安歌聲可意而入
心偃佺仝而鶴立和清響而哀吟 唐李庾西都賦曰其地勢也負秦章臺倚漢甘泉帶涇渭之富流挾終
南之壽山指重城於二華拓外門於兩關元素交川灞澹在焉斷虹偃蹇而亘梁施輪走驟而蹄奔度萬國以
向朝趨魏闕之通門赤縣統劇停阡帝鄉長安萬年乾封明堂藍田左椅郭杜前張分拆連乎馮翊畫疆接乎
岐陽排吳山而抵蜀豆氏谷而通商其中則御水分溝昆明下流在野決溉八宮環洲孤織蒲芻艾贅菱羞渚
戲青鵝沙眠白鷗其遠也深有蛟潭派作龍湫渙接河漢波通女牛其近也方塘含春曲沼澄秋戶閉煙浦家
藏畫舟土厚地中溫寒以宜門多杖老室有蕃兒承化發語帝力不知則有程鄭之家白闥朱軒崇基峻砌待
駟高門木秀芽葩紅舒綠繁挺碩果於華林育豐蔬於中園珠箔畫晦金缸夜明羅繡中構鼓瑟吹笙薛族陳
賓以樂乎太平貨賤分厘物次駢連中署肆帥夕咽朝昏越璞楚琛蜀賄已寶裁綺張繡紋軸蕉筒交錯雜沓
斯焉會同黃宅緇廬金篆玉扁以張帝居用壯天廷千形萬聲不可多名 又東都賦曰若乃用洛爲池帶河
爲沼洞八門之會要控二梁之天矯赤縣神州與京比儔運東山之貢賦扼關外之諸侯宜齊染而駕輅引淮
汴而通舟太行枕甸發址崇垓覃懷鎮封上千昭回鑿門導伊兩阜屏開育仁頤智堂與庭腰爾其左掖通東
右掖洞西籠故地之銅駝抱舊里之玉鷄御溝接派苑樹通堤抗鳳樓於內庭轟端門於天街上陽別宮丹粉
多狀驚及鱗翠虹梁疊壯橫延百堵高量十丈出地標圖臨流寫障霄餘霞連屹屹言言翼太和而聳觀側賓
曜而疏軒若蓬萊之真侶瀛洲之列仙鸞駕鶴車往來於中天嚴城曉啓千門萬戶建衛對營開局接牆翠華

在鎬分官以守監署惟三卿曹止九禮樂所流厥惟舊周追魯俗而爲鄰化殷頑而作柔異材挺擢多士優游原膳膳而耕溺水濺濺而洗由宋楊侃皇畿賦曰大矣雄圖昭然聖謨謂陳留天下之衝要大梁海內之膏腴漢祖得之則齊楚之敵敗亡相繼咸就擒而即誅梁王守之則七國之師不敢西向盡爲戟而爲俘實王氣之長在宜萬世而作都也莫不廣封溝設險固裏平割宋之美田戴邑裂曹之沃土滑分屬邑之二城陳滅太康之萬戶潁川之鄢陵扶溝滎陽之中牟陽武成命洛編民於州籍升地圖於天府故得雄臨九州陋視三輔經營歷於五代法則垂於萬古圖書載詳境土斯見開封則漢志之名邑今二京之首冠祥符則天書之降年易新名於舊縣穗秸之入斯爲近甸若乃百萬衆之分營十二市之環城囂然朝夕異彼鄉垆其東則有汴水之陽宜春之苑向日而亭臺最麗迎郊而氣候先暖鶯轉何早花開不晚瞻太乙之清宮壯先朝之命工構宇煙霞之外出俗囂塵之中其南則有崇崇清壇肅肅齋宮卜是吉土龜從筮從永奉禋祀郊見昊宮別有景象仙島園名玉津珍果獻夏奇花進春百亭千榭林間水濱其西則有池鑿金明波寒水殿鷁首萬艘而壓浪虹橋一道而通輦太液無濫觴之深靈沼有潢汙之淺一派如飛通漕架虛貫都注御溝之口轉漕通廣濟之渠京索導源而於彼金水名河而在茲其北則含芳舊苑瑞聖新名十洲象景三島分春彼沙臺之崔嵬聳佛剎之千尺岡阜連延於西南原田平坦於東北何沙海之飛揚忽到此而止息若夫八澤九溝二池三固周流原野表界境土宿萬勝以遙觀見斗門之雙注吸驚浪以橫來絕長堤而可懼西望河流襟帶二邑高岸山立回灣箭急右倚太行橫絕雲霧夫雍阻二峭之險洛憑九河之固方之於是彼若平路過濮水之長渠經封國之舊域寥落兮桐牢之亭湮沒兮黃池之迹何昔也明誓重重諸侯於此會同今也京邑翼翼四方於此取則周邦彥汴都賦曰惟此汴都禹畫爲豫周封鄭地黃鵠臨而上直實沈分以爲次芒碭渙渦截其面金隄玉渠累其脊雷夏灘沮繞其脇疊丘皆婁夾其腋梁周帝據而糜沸唐漢尹統而寧一故此王國襲故不徙恢圻甸域尊崇天體司徒制其畿疆職方辨其土地前于官而會朝後百族而爲市宏基融而北址植九鼎立而四嶽位仰營域而體極立土圭而測晷蜀險漢全荆惑閩鄙惟此中峙不首不尾限而不迫華而不侈環睎眺於郡縣如峒嶺之迤邐觀其高城萬雉埤堦鱗接利過百二嶮踰四塞關城爲門二十有九瓊扉塗丹金墉鏤獸列

[illegible]

歷之通達連薨遽宇之縱橫若乃四郊砥平皇道正直視萬國之環拱適居中而建極其南則萬流宗海平林
蔽天溘潏恒衛經其野濡磁淶桑匯其前界以大陸廣阿之弘壤扼以太茂井陘之連山膏腴之地綿亘三千
餘里而極於黃河伊潁之川其水陸之所產阜榮繁盛蓋莫得而計焉其北則疊嶂崑崙層巒蔽虧長城矗乎
雲表百泉湧乎山隈壯天關而設險守一夫而莫開包狼山上谷之阻據野狐獨石之危掩祖山木葉之離立
連白登紫塞之逶迤其東則路河通漕控引江淮肥如灤涿灌注縈迴環以大海衆水所歸洪濤巨浪洶湧崔
嵬蓋不知其幾千萬里而鬱商番舶帆檣隱天上下不絕而往來又有蓬瀛方壺鳳麟聚窟十洲三島靈異非
一琉精之關瓊華之室墉城岩堯金臺翠律紫氣丹青景雲矚目靈園僊仝安期羨門之徒相與從遊於其間
出入隱見而恍惚其西則崇山鬱翠高挹泰岱北接居庸南首河內奇峰擁關龍門阻隘玉泉垂虹青煙浮黛
上截臬兮倚空下蟠據而際海其麓則有渾河湯湯西湖泱泱鹽溝琉璃桑乾廣陽雪波泛湧灝漾汪洋一瀉
千里會流帝鄉又有上林禁苑種植畜牧連郊踰畿緣丘彌谷澤潴川匯若大湖瀛海渺瀰而相屬其中則有
奇花珍果嘉樹甘木禽獸魚鼈豐殖繁育颼颼籍籍不可得而盡錄若其宮室之制則居高而臨下背陰而向
陽奉天凌霄以磊砢謹身鎮極而崢嶸華蓋宮崇以造天儼特處於中央上象天體之圓下法坤德之方兩觀
對峙以嶽立五門高矗乎吳蒼飛閣屹以莫乎四表瓊樓嵬以立於兩旁廟社并列左右相當闔闔其蕩蕩
儼帝居於將將玉戶燦華星之炯晃璇題納明月而輝煌寶珠煜耀於天闕金龍天矯於虹梁其後則奉先之
殿仁壽之宮乾清坤寧聆麗穹窿掖庭椒房閨闈通其前則郊建園丘合祭天地山川壇壝恭肅明祀至於
五軍庶府之司六卿百僚之位京尹赤縣之治所王侯貴戚之邸第守羽林而掌伏飛者至九十有四衛莫不
井列而棋布各雄壯而偉麗 金幼孜皇都大一統賦曰維此北京太祖所屬天造地設靈鍾秀毓總交會於
陰陽盡灌輸於海陸南臨鉅野東瞰滄溟西有太行之截冀北有居庸之崢嶸瀉玉泉之逶迤貫金河而迴縈
瓊島上聳以盤礴太液下澈而泓澄乃卜良辰乃蠲吉日以相以度以構宮室棟宇崇崇簷櫺秩秩以蓋以覆
陶冶埏埴以繪以圖黝垺丹漆煥五彩之輝煌作九重之嚴密天地洞開馳道相連金鋪絢日玉柱凌煙星羅
棋布壁燦珠聯虹飛霞擁龍翔鳳翥超凌氛埃壯觀宇宙規模恢廓次第畢就豁千門之雲矗敞萬戶之輻輳

至若丹闕巍巍飛觀凌空飈稜上聳閣道遙通左祖右社蔚乎穹窿禁城之下金水溶溶畫棟凌雲繡柱含空
璇題耀日綵橋駕虹若夫御苑逶迤上林深窈有山有泉爲臺爲沼巖谷紛翊雲霞縈繞走有奇獸飛有靈鳥
樂寬閒以棲息恣回翔以馴擾又若百司庶府有綱有目太學郡庠之並建琳宮梵宇之森矗列九衢之坦坦
引六街而相續閭閻櫛比闐闐雲簇馬馳聯轡車行擊轂又若歌樓舞榭豔態微粧羅袖回雪清聲遠梁管絃
嘔啞狎坐傳觴娛青陽之麗景駐白日之飛光桑悅南都賦曰明之南都宿分於斗職域於揚斗則日月之
所佐極五星之所乘嘗是謂天維揚則拓土畫疆卓犖兼井是謂地綱論大形勢桐柏之源東馳般汨指濁灘
而招沂泗者於此乎會岷山之支東累綿衍出庾嶺而包彭蠡者於此乎盡誠江海之都會也山林之總轄也
而況口以三吳足以荆蜀八閩二廣可伸可縮堪輿之精盡於是矣細論藩屏則天設雄壘表以鍾山楊以長
江山則掩諸崔嵬龍蛟峻峭峯峯塊礪盆尖台嵬兀截葉墳兀追詭廉鹽晴今黨黨晦今璋璋氣雲薄今擬封秀
囊提今可捫江則膠戾蛟毅碎湧便注丕庠瀕溢牯混澶決逢澗溶溶潯洞洞流淥今格格允今統統喜云云
今穆協怒趨趨今警閭均山惟榆丕江迺桑如韓孟之齊騁類楚漢之相當扶以石頭秦望之蔓麗蒂以後湖
元武之汪洋嶺一頡今千熊熊浪一頡今幾城隍欲纖摹其詭異洵一挂而萬亡其洞則有華陽玉柱良常羅
姑各有真府神切天笈門隄隄今混沌未鑿室開闢今氣化馴剝丹崖甲乎連攬翠壁貫乎稜觚其泉則有白
乳一人玉兔喜客婁地賴之于垂天紳之默默歛川后之津液苗山靈之骨脈雨或嘲而雷雷風或譽而噴
噴其池則有覆盆石墨天淵蓮花昔人留今指爪朽名潤今無涯又有堤名太平堰名余家瀨名投金泓名丹
砂九曲霹靂溝河漸繁芳草躍馬澗河清華又有田疇則黍稌咸宜桑柘斯植水耕火耘風經雨織一犁一
今斛粟半筐縑縑今尺帛具中華之心而四方之極者也帝省山川可爲皇據惟古帝王或命於陶或命於牧
惟豐惟鎬文武是屋儲茲地髓以俟天牧於是役吳載柞命晉其耘宋齊爲畚梁陳爲斤其建金華赤烏玉燭
重雲太極清暑之倭麗結綺永安之青薺孰非先埽我金門之路清吾玉殿之塵也哉逮元脫紐宇宙沸騰閔
茲地也鬱鬱蔥蔥暉暉煌煌增渥補泊銜紫浮緇虹經撮彩雲緯成章旒兮若燭龍之餞裕兮類若木之光盞
踞虎而將躍臺盤龍而欲翔其在山也銓谷就實危峯增鉉羣平若巢金之微彰其在水也漫沉氤氲逐泛漳

揚灝乎若頽波之弄西陽禪竈瞻望而躑躅景純睥睨而周章非名都之將建而先發其祥耶 又北都賦曰
聞北之爲都宿屬於箕地名幽州神堯之聖域召公之賢丘地勢累崇蹠蹠揀揀齊魯爲和綴趙遼作旒東
阮迤邐而左達太行巍危而右道滌浚無涯峻峭莫儔天合其所人疑其續築城伊瀝作都伊匹規乾準坤以
究安宅五門環環千廬抗抗雙華煥煥丹關領領時以文武列以順掖東達宗廟西靡杜稷南薰仁智前經後
緯思善翼善左輔右弼奉天前迤斷新特特若國倪之無極華蓋中在鐔鐔警警若春盎之可即謹身後擁環
環赫赫若混沌之未割悉助其擁悉扛其楹刺柱乳楹巨纖紛輝輝樨樨禁編疎威懾遶陽樓其正陰止其冥懸
魚混粟而下垂拒鵲鳩禪而上騰彼櫓櫓之雄梁夥崇崇而獨承羣材膺職渠渠迺成遊行之區爰營西苑泓
以太液之漱漱時以瓊華之汜汜池則汪洋漫衍漾潢潭沱楊以江離芙蓉點以芳藻綠荷含英吐華鬱鬱
波島則覺嶺磊砢第鬱危網太湖輪精武康貢英薄平泉而不即眇良嶽而弗登迺築崇基殿以廣寒古柏十
圍矮松百盤俯雙橋之千柱仰萬歲之層巒南墉之中亭館綿延迷以綺錠複以粉胥東南其戶寒暑攸偏涼
登洗髓之域和躋浴沂之天惟南有園釗釗提提臺呼名鷹歸前雲齊規以楣垣衛以危檻佳實累杈灌木垂
棲幻靈芝之萋萋茁紫脫之萋萋蚊息蟬動驚擊獵起或并命而比翼或兩額而三蹄以至大月一封之駝黃
支獨角之犀昆明吐金之鳥三佛吞火之鷄天山識樂之帝江哈烈弄毬之狡狴亦安詳公之鞠養受毛丘之
羈縻環以靈沼劃以崇溪水禽淵魚隨方躍棲悉涵負乎恩澤動濡爛而敷析

詔唐太宗建東都詔曰朕聞踐華固德百二稱乎建領卜洛歸仁七百崇乎定鼎是以控膏腴於天府啓黃
圖於渭濱襟沃壤於王城構綠宇於河渚市朝之城麗皇州之九緯丹紫之原瓏神皋之千里二京之盛其來
自昔此都心茲宇宙通賦貢於四方交手風雨均朝宗於萬國曲阜之規猶勳劉圭之地載華豈得宅帝之鄉
獨稱都於四塞里王之邑匪建國於三川宜改洛陽宮爲東都上棟下宇彼勞苦以難前廣廈高臺我名今而
改彼仍茲舊貫式表宸居 **書**宋高宗定都臨安詔曰昔在先武之興雖定都於洛而車駕往返見於前史者
非一用能奮揚威靈遞行天討上繼隆漢朕甚慕之朕荷祖宗之休克紹大統夙夜危懼不常厥居比者巡幸
建康撫綏淮甸既已申問邊圉獎率六軍是故復還臨安內脩政事繕治甲兵以定基業非厭雨露之苦而圖

宮室之安也遂定都故今以臨安府爲行在所

頌明鄧林皇都大一統頌曰天作神京山河鞏固聖皇宅之永隆寶祚惟此北京冀域堯封龍潛舊邸王氣所鍾爰法天經爰因地義斷自宸衷率由舊制乃營三殿三殿堂堂乃立九門九門將將乃築園丘乃除方澤父天母地於焉昭格乃嚴廟社乃定市朝規模位置秩焉有條龍樓中屹鳳閣前峙禁城萬雉邦畿千里乃廊阿闔玉戶金鋪赫然壯觀偉矣弘模府第星羅廬井櫛比萬象一新兩京駢麗洪惟聖皇與天合德營此北京象彼北極惟北有極環拱衆星惟北有京包舉八瀛日月貞明山河帶礪聖子神孫本文百世

表唐李嶠請車駕還洛表曰載祀七百卜年非豐鎬之地時乘九五啓聖由瀍洛之鄉所以受龍圖龜書所以朝兩師河伯萬靈幽贊百物阜昌是曰天地之心實與帝王之祚况復園丘方澤神祇之兆域以安複廟重檐昭穆之尊卑既敘定社而立稷建邦而設都是萬年長王之郊誠億載不遷之宇加以舟車并湊水陸交衝物產尤多觀聽膏悅衆庶有來蘇之冀神靈翹望幸之心伏願俯察氓謠仰祇天意消時擇日屯萬騎而出函秦省俗觀風撫四方而還輦洛衆星拱列長居辰極之尊萬國駿驅載詠朝宗之府明梁本之爲魯王賀建北京表曰定鼎在興王之地建都效卜洛之規道里均平山川鞏固於此繼天出治發政施仁禮樂明備而三階砥平垂拱無爲而四方來賀綸音誕布允爲洛誥定命之書鴻業告成載詠鎬京復古之雅

序明劉侗帝京景物略序曰都應垣也燕之應極垣有三焉極一而已矣日東出疆十有二極北居指十有二以柄天下之魁杓天險設於坎地勢厚於坤皇建而人民會歸於極有進矣中宅天下不若虎眠天下虎眠天下不若犂天下以瓶而身抵其口雖不如關關不如薊守雖以天下守關以關守天下必以薊文皇得天子自守邊之略於厥初封都燕陵燕前萬世未破斯荒後萬世無窮斯利樞軸九邊索篋四海豈偶哉於焉神人草物爽憑成周鼓文漢代瑞像脰翼謂何氣先符應他若潭雲塔影龍螺洞光木石幻氣精熙游盛今古雖留更僕未可悉數也

辨元吳澄東西周辨曰東西周有二一以前後建都之殊而名一以二公封邑之殊而名昔武王西都鎬京而東定鼎於郊鄆周公相成王宅洛邑營澗水東瀍水西以朝諸侯謂之王城又謂之東都實郊鄆於今爲河